



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Considerationes Pro sex illis horis, quæ singulis quadriennijs annum efficiunt Bissextilem.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

CONSIDERATIONES

PRO SEX ILLIS HORIS,
QUÆ SINGVLIS QUADRI-
ennijs annum efficiunt
Bissextilem.

AD I. HORAM.

Quatuor Væ à Christo Domino
intentata.

I. VÆ vobis divitibus, quia habetis con-
solationem vestram. *Luc. 6. v. 24.*

II. Væ vobis, qui saturati estis: quia esu-
rietis. *Luc. 6. v. 25.*

III. Væ vobis, qui ridetis nunc: quia
lugebitis & flebitis. *Luc. 6. v. 25.*

IV. Væ cum benedixerint vobis homi-
nes: secundum hæc enim faciebant pseudo-
prophetis patres eorum. *Luc. 6. v. 26.*

AD II. HORAM.

De peccatis remittendis, & non
remittendis.

I. O Mne peccatum & blasphemia remit-
tetur hominibus: spiritus autem bla-
sphemia non remittetur. *Matth. 12. v. 31.*
Marc. 3. v. 28. & 29.

II. Qui-

334 CONSIDERATIONES

II. Quicumque dixerit verbum contra filium hominis, remittetur ei: *Matth. 12. v. 32. Luc. 12. v. 10.*

III. Qui autem dixerit contra Spiritum sanctum, non remittetur ei, neque in hoc seculo, neque in futuro, *Matth. 12. v. 32. Luc. 12. v. 10.* sed reus erit æterni delicti. *Marc. 3. v. 29.*

IV. Aut facite arborem bonam, & fructum ejus bonum: aut facite arborem malam, & fructum ejus malum: siquidem ex fructu arbor agnoscitur. *Matth. 12. v. 33.*

AD III. HORAM.

De multitudine reproborum, & paucitate salvandorum.

I. **I**trate per angustam portam: quia lata porta, & spatiosa via est, quæ ducit ad perditionem. *Matth. 7. v. 13.*

II. Et multi sunt, qui intrant per eam. *Matth. l. c.*

III. Quàm angusta porta, & arcta via est, quæ ducit ad vitam! *Matth. 7. v. 14.*

IV. Et pauci sunt, qui inveniunt eam. *Matth. l. c.*

Epi-

Epimetrum.

Dixit IESUS: Contendite intrare per angustam portam: quia multi, dico vobis, quaerent intrare, & non poterunt. *Luce 13. vers. 24.*

AD IV. HORAM.

De Domino & Servo, Discipulo & Magistro.

I. **N**on est discipulus super magistrum. *Matth. 10. & 24. Luc. 6. & 40.*

II. Nec servus super Dominum suum. *Matth. 10. & 24.*

III. Sufficit discipulo, ut sit sicut Magister ejus. *Matth. 10. & 25.* Perfectus omnis erit, si sit sicut Magister ejus. *Luc. 6. & 40.*

IV. Et servo sufficit, ut sit sicut Dominus ejus. *Matth. 10. & 25.* Si patrem familias Beelzebub vocaverunt: quanto magis domesticos ejus? Ne ergo timueritis eos. *Matth. 10. & 25. & 26.*

AD V. HORAM.

De Operto & Aperto.

I. **N**ihil est opertum, quod non revelabitur; & occultum, quod non scietur. *Matth.*

336 *CONSID. PRO VI. HORIS.*

Matth. 10. v. 26. Luc. 12. v. 2. Non est aliquid absconditum, quod non manifestetur: nec factum est occultum, *Marc. 4. v. 22.* quod non cognoscatur, & in palam veniat. *Luc. 8. v. 17.*

II. Quod dico vobis in tenebris, dicite in lumine: & quod in aure auditis, prædicate super tecta. *Matth. 10. v. 27.*

III. Multis turbis circumstantibus, ita ut se invicem conculcarent, coepit dicere Iesus ad discipulos suos: Quæ in tenebris dixistis, in lumine dicentur *Luc. 12. v. 1. & 3.*

IV. Et quod in aurem locuti estis in cubiculis, prædicabitur in tectis. *Luc. 12. v. 3.*

AD VI. HORAM.

De spiritu immundo revertente in domum.

I. **C**um immundus spiritus exierit ab homine, ambulat per loca arida, quærens requiem, & non invenit. Tunc dicit: Revertar in domum meam, unde exivi. *Matth. 12. v. 43. & 44.*

II. Et veniens invenit eam vacantem, scopis mundatam, & ornatam. *Matth. 12. vers. 44.*

III. Tunc vadit, & assumit septem alios
spiri-

M E D. PRO ANNO BISS. 337

spiritus secum nequiores se, & intrantes habitant ibi. *Matth. 12. v. 45.*

IV. Et fiunt novissima hominis illius pejora prioribus. *Matth. 13. v. 45.*

MEDITATIO CCCLXVI.

Pro Anno Bissextili.

De extremo judicio.

Cum venerit Filius hominis in majestate sua, & omnes Angeli cum eo, tunc sedebit super sedem majestatis suæ: & congregabuntur ante eum omnes gentes, & separabit eos ab invicem, sicut pastor segregat oves ab hœdis: & statuet oves quidem à dextris suis, hœdos autem à sinistris. *Matthæi 25. v. 31. 32. 33.*

II. Tunc dicet rex his, qui à dextris ejus erunt: Venite benedicti Patris mei, possidete paratum vobis regnum à constitutione mundi. Esurivi enim, & dedistis mihi manducare: &c. *Matth. 25. v. 34. v. 35.* Amen dico vobis: quamdiu fecistis uni ex his fratribus meis minimis, mihi fecistis. *Matth. 25. vers. 40.*

III. Tunc dicet & his, qui à sinistris erunt: Discedite à me maledicti in ignem æternum, qui paratus est diabolo, & angelis

P

ejus.

ejus. Esurivi enim, & non dedistis mihi manducare: &c. *Matth. 25. v. 41. & 42.* Amen dico vobis: quamdiu non fecistis uni de minoribus his, nec mihi fecistis. Et ibunt hi in supplicium æternum; iusti autem in vitam æternam. *Matth. 25. v. 45. 46.*

M O D I M E D I T A N D I
accommodati singulis Partibus Monotessari.

PRO PARTE I. ET II.

Modus universalis meditandi mysteria Vitæ D. N. IESV Christi.

Singulis materiæ dispositæ Punctis adhibenda sunt Puncta tria Formulæ, sive modi meditandi. Primum Formulæ punctum est, Consideratio singularum Personarum, de quibus mentio fit in proposito puncto materiæ. Exempli gratiâ sit istud materiæ punctum, *Luc. 2. v. 34. Benedixit illis Simeon, & dixit ad Mariam matrem eius: Ecce positus est hic in ruinam, &c.* Hic considerandæ sunt personæ tres: Simeon senex, Iesus puerulus, & Virgo mater ipsius Maria. Ex harum personarum consideratione documenta sunt elicienda, quibus nos docemur aliquid seu facere, seu vitare.

Secundum Formulæ Punctum est, in eodem materiæ puncto considerare ac perpendere

dere omnia verba, quæ locutæ sunt illæ ipsæ personæ, quas paulò antè contemplati sumus. Notandum autem est, nomine Verborum non intelligi tantùm ea, quæ in textu recensentur prolata, verùm etiam illa, quæ textus siluit, & fortassis tamen à prædictis personis fuerunt prolata, vel certè in his circumstantijs prudenter & accommodatè ad rem proferri potuerunt. Item intelligi earundem personarum cogitationes internas, & iudicia, & discursus, &c. quæ nihil aliud sunt, quàm verba mentis. Ex his omnibus colligendus fructus, quemadmodum priùs. Sic in allato exemplo perpendenda sunt verba Simeonis, quæ Spiritus propheticus cordi ipsius inspiravit, & impulit, ut ore proferret. Verba item B. V. non quæ dixit (nulla enim Lucas refert) sed quæ dicere potuisset, quærendo & ulterius indagando, quâ ratione positus sit filius hic suus in ruinam multorum. Expendenda quoque sunt, quæ tunc utique, cum hæc audiret, animo secum agitavit.

Tertium Formulæ Punctum est, attendere earundem personarum omnes, aut præcipuas saltem Actiones, & ex adverso Passiones. In præsentii exemplo eum intueri, qui positus est, à quo? *in ruinam multorum*, ut

in æternum pereant. Aliquid inde semper ad nos reflectemus, ut ex consideratione tali fructum aliquem referamus. Si hoc modo absolutum fuerit punctum primum Materiæ, fit progressus ad alia puncta eodẽ modo meditanda. Illud igitur bene notandum, hanc regulam adhibendam esse in singulis punctis materiæ propositæ, ut nimirum intentio meditantis feratur primum quidem in personas, quæ in illo puncto occurrunt; tum ad verba, si prius verba; vel ad facta, si prius occurrant facta. Alia enim quia prius dicta sunt, ideo postea tale quid factum est: & vicissim quia prius aliquid factum est, ideo tales postea prolati sunt sermones.

PRO PARTE III.

Modus meditandi miraculum.

I. **C**onsiderandum, quæ in eo transcendentia vires naturæ contineantur,

II. Quæ fuerit causa illius instrumentalis: seu quo instrumento Deus fuerit usus in eo faciendo.

III. Quæ motiva & rationes fuerint faciendi miraculum.

IV. Qui inde secuti effectus alij, præter mira-

miraculosum, in diversis, vel eo saltem, cir-
ca quem contigit miraculum.

V. Quis inde fructus à nobis hauriri pos-
sit.

PRO PARTE IV.

Modus meditando Parabolæ.

I. **T**Ota Parabola, secundum substantiam
& adjuncta, perfectè concipienda.

II. Inquirendum, quid significet Parabola.
Quædam ab ipsomet Christo explicatæ
sunt: aliæ declarantur à Doctoribus.

III. Facienda applicatio Parabolæ cum
significato, per considerationem similitudi-
nis, vel dissimilitudinis inter Parabolam &
rem significatam, juxta scopum, qui in Para-
bola potissimum quærebatur.

IV. Perpendendum, quid in alijs ex hac
Parabola fuerit secutum.

V. Fruendus pro Meditante fructus.

PRO PARTE V.

*Modus meditando Præcepta, & Con-
silia Christi.*

I. **V**idendum, quid prohibeat, vel jubeat,
vel consulat Christus.

II. An rationabiliter, & quas ob causas,

P 3 III. Con-

542 MODI MEDIT.

III. Considerandi fructus vel damna, quæ ex observatione vel neglectu consequuntur.

IV. Introducuntur ij, qui præcepta, consiliave observârunt, aut neglexerunt, habitâ ratione fructûs & utilitatis, vel damni, quod experti sunt.

V. Quomodo ego me hucusque in observatione vel neglectu eorum habuerim, & habiturus sim deinceps.

PRO PARTE VI.

*Modi varij meditandi Passionem
Dominicam.*

*I. Modus communis meditandi Passionem
Domini.*

I. Consideretur, quæ & qualis sit Actio, vel Passio principalis in proposito pñcto: item, quæ talis Actionis, vel Passionis circumstantiæ; nimirum Loci, Temporis, Modi, &c. juxta vulgarem illum Versum: *Quis, Quid, Vbi, Quibus auxiliis, Cur, Quomodo, Quando.*

II. Ex rebus his consideratis colliguntur virtutes tum aliorum, tum præsertim Christi patientis.

III. Expenditur, quàm heroicæ, seu difficiles virtutes illæ fuerint,

IV. Ap-

IV. Applicationem ad se faciet meditant, examinando, an easdem virtutes, & cum talibus difficultatibus, exercuerit: & quid factururus sit in posterum.

II. Modus meditando de septem effusionibus sanguinis: ad detestanda peccata.

I. Considerandum, quàm pretiosum & copiosum sanguinem in proposita effusione Christus profuderit, ut peccatorum sordes elueret.

II. Quanta peccatorum foeditas ac turpitudine debeat esse, quibus eluendis tam pretiosus atque copiosus sanguis profundendus erat.

III. Quàm deceat igitur, ut homines peccata tam turpia cum horrore detestentur.

IV. Vtrùm ego cum horrore hucusque peccatorum turpitudinem detestatus fuerim, & quomodo deinceps detestaturus sim.

Septem autem effusiones sanguinis hæ sunt. I. in horto, cum sanguineum sudavit sudorem. II. in domo Caiphæ, cum vapulavit à ministro. III. in Flagellatione. IV. in Coronatione. V. in abstractione vestium. VI. in Crucifixione. VII. in Lateris apertione.

III. Modus meditando de pœnis quinque sensuum corporis Christi: ad compatiendum Christo.

I. COR-

I. Confid. quæ poenæ proposito sensui, Visûs, Auditûs, Tactûs, &c. Christi fuerint, illatæ.

II. Quantos dolores ex ejuscemodi poenis senserit idem sensus, tum propter Christi teneritudinem ac debilitatem: tum propter tortorum multitudinem, promptitudinem, impietatem, immanitatem: tum propter poenarum copiam, varietatem, durationem, continuitatem: tum denique propter absentiam omnis consolationis.

III. An non poenæ tales, & tanti ex poenis secuti dolores mereantur miserationem hominum: cum præsertim Christus & illas, & istos tulerit, ne ferre cogentur homines.

IV. Quomodo tu hætenus Christi poenas & dolores miseratus, & in posterum miseraturus sis.

IV. Modus meditandi de damnis anima, corporis, & fortunarum Christi: ad præstandam gratitudinem beneficio Passionis.

I. Perpende, qualia & quanta damna Christus perpeffus fuerit in anima, vel corpore, vel fortunis.

II. Qualia & quanta tum bona contulerit, tum mala sustulerit, non omnibus tantum, sed singulis etiam hominibus, talis ac tanta perpeffio Christi.

III. Quan-

III. Quanta incumbat necessitas simul omnibus & singulis hominibus, ut beneficijs tam eximijs gratos se exhibeant, recognoscendo, meditando, prædicando, & compensando illa mutuis tum operationibus, tum passionibus.

IV. An necessariam tu gratitudinem iisdem beneficijs retuleris hucusque, & quam in posterum relaturus sis.

V. *Modus meditando de septem itineribus Christi patientis: ad miranda Dei mirabilia.*

I. Considera, quæ Christus in proposito itinere sustinuerit incommoda.

II. Quàm conveniens talis sustinentia fuerit ad fines à Christo patiente intentos: nimirum ad cœlestis Patris gloriam, ad exaltationem Christi, ad Dæmonis subjectionem, ad Hominis illuminationem, inflammationem, corroborationem, cōsolationem, subventionem, erectionem ad ardua; denique ad vitam Christianam, quæ in cruce, paupertate, humilitate, contemptu consistit, excitationem.

III. Quàm porrò convenientia talis mira sit & miranda, non tam speculativè, quàm practicè; hoc est, consideranda, æstimanda, ac veneranda.

IV. An tu convenientiam talem Passionis cum istis finibus, hæctenus practicè mi-

ratus fueris; & qui deinceps miraturus sis.

Septem itinera sunt. I. à cænaculo in hortum Gethsemani. II. ab horto ad Annæ domum. III. ab Annæ domo ad palatium Caiphæ. IV. à palatio Caiphæ ad prætorium Pilati. V. à prætorio Pilati ad regiam Herodis. VI. à regia Herodis rursus ad prætorium Pilati. VII. à prætorio ad montem Calvariæ.

PRO PARTE VII.

Modus meditando mysteria Resurrectionis Dominice.

I. **C**onfid. Quomodo Christi divinitas Passionis & mortis tempore abscondita, palàm se faciat in proposito mysterio Resurrectionis, quantisque miraculis elucescat.

II. Quibus obsequijs hanc divinitatis Christi gloriam profecuti fuerint tum Angeli, tum Patres, tum Discipuli ac Discipulæ ejus in eodem mysterio.

III. Quàm deceat, ut eandem divinitatem similibus prosequantur obsequijs universi homines.

IV. An, & quibus obsequijs tu Christum redivivum profecutus, & profecuturus sis.

Coll. S. J. Paderb. 1660.

ER-